

KANPAINA AMAIERA. Buru politikoek azken mitinak egin zituzten ostegunean, kanpaina atzo gauerdian bukatzeko



CLAUDE PARIS / AP

Jean-Pierre Raffarinnek bera buru duen UMP alderdiko jarraitzaileen aurrean ekitaldi politikoa egin zuen herenegun. Bera da faborito.

BOZKETA SISTEMA

Bi itzuliko zenbaketa gehien-goduna erabiltzen da Frantzian, Legebiltzarrerako hauteskundeetan. Lehen itzulian aukeratuta izateko, bozen %50 lortu behar dira, baita hautesle zerrendan erregistratutako kopuruaren laurdena ere. Bigarren txandan lehiatzeko, hautesle zerrendan erregistratutako kopuruaren %12,5 lortu behar da, gutxienez. Beraz, bi lehiakide baino gehiago gera daitezke bigarren bozkal-dian. Aukeratuta izateko, gehiengo erlatiboa, hots, boz kopuru gehiena, nahikoa da.

ko indarrei bozen %34,5 aurreikusita. Hala ere, Raffarin behin-behineko lehen ministroak frantziarrei eskatu zien ostegunean gehiengo eman diezaioten Legebiltzarrean, Jacques Chirac presidenteak hartutako konpromisoak betetzeko gisan. «Frantsesek eraberritzea nahi zutela agerian utzi dute; geuk dugu berritzatze hau ziurtatuko» adierazi zion *Le Figaro* egunkariari.

Ildo beretik, Jacques Chiracek ere Jean-Pierre Raffarini «lanerako gehiengo argi bat» emateko deia egin zien frantziarrei, asteazken arratsean, France 3 telebista kate publikoan egindako adierazpene-tan. «Parlamentuan gehiengo sendorik gabe jardun dezakeen gobernuak ez dago» azpimarratu ostean, Chiracek hau gaineratu zuen: «Aurrean dauzkagun eta frantziarrek beraiek lehendakartzarako bozen lehen txandan nabarmendutako arazoak direla eta, gehiengo argi batek sustatutako politika lan tematsu bat bulztatu beharra dago».

François Hollande alderdi sozialistako buruak, aldiz, gaur egun ezer ez dela trenkatua eta ezkerrek hauteskundeak irabaz ditzakeela aldarrikatu zuen ostegun arratsean Lyon-en egindako mitinean. Jean-Pierre Raffarinen orain arteko jokabidea aipatzean, hauxe esan zuen: «Lehen ministroa publizitate munduko jardule bat da, eta demagogiaren baliabide guztiak darabiltza jendea erakartzeko». Hollanderen iritzian ere, maltzur jokatzan ari da Raffarin: «Esaten du ez duela hauteskunde kanpainen esku-hartzen baina bileraz bilera dabil; hobeto egingo luke gurekin eztabaidatzea onartuko balu». Hollandek, azkenik, 1997ko bozak gogorarazi zituen: «Orduan ere, eskuina irabazle aterako zela iritzi zion, eta badakigu zer gertatu zen azken batean».

Eskuina garaile ematen dute inkestek baina ezkerrek dio ez dela trenkatua

Raffarinnek gehiengo ematea eskatu die frantziarrei, eta Hollandek «demagogia» egotzi dio

Erredakzioa | **DONOSTIA**

Frantziako Legebiltzarrerako hauteskunde kanpaina atzo gauerdian amaitu zen eta gaur, beraz, ezin daiteke ekitaldi politikorik egin ezta inkestarik argi-

tara eman ere. Atzoko ekitaldi politikoak eguneko bilerak eta alderdiburuek euren hautetsien alde egindako sostengu agerrialdiak izan ziren.

Eskuineko UMP Gehiengo Presidentzialerako Batasuna-


ren alde, Jacques Chirac Errepublikako presidentearen emazte Bernadette Chirac Parisko 12. udal-barrutira joan zen Jean De Gaulle hautagaiari sostengua agertzerako. Honek, ezkerreko eta eskuin muturreko aur-

kariet gain, eskuineko beste lau hautagaiekin lehiatu behar du.

Laurent Fabius PS Alderdi Sozialistako burukidea, berriz, Parisko 13. udal-barrutian izan zen Serge Blisko hautagai sozialistaren sustatzen, eta honen ostetik Yves Cochet Berdeak alderdi ekologistako kandidatua-rekin 14. udal barrutiko merkatu batean ibili zen. Beste buruzagi politiko zenbait, aldiz, eskualdeetara joan ziren kanpainako azken egunean. Charles Pasqua RPF Frantziako Herriaren Elkarretaratzea eskuin alderdiko presidentea Bordele ondoko Mérignacen zen, eta Daniel Cohn-Bendit Berdeen burukidea Chamonixen, Mont Blancetako tunela kamioiei irekitzearen aurkariekin.

Frantziarrei, «gehiengo argia» emateko eskatu die Raffarinnek

Plazaratutako azken inkestek Jean-Pierre Raffarin eskuineko hautagaia garaile ematen zuten botoen %40 lortuta, 1997az ge-roztik gobernuan ziren ezkerre-



JOEL SAGET / EPA

Jean-Marie Le Pen.

rat eman zuen Le Penek, Fronte Nazionalaren egoitzan egindako prentsaurrekoan. Azken inkestek botoen %12 eta %15 bitartean ematen ziz-

kioten FNri, baina eskuin eta ezker parlamentarioen artean egon daitekeen «boto egite errepublikanoaren» ondorioz, baliteke diputatu bat edo bi besterik ez lortzea.

Frantziako lehendakartzako kanpainen egin zuen bezala, Le Penek hitzez gogor eraso zion Jacques Chiraci. Hala, nabarmendu zuen dimititu egin behar lukeela ezkerrek irabaziko balitu Legebiltzar-rako bozak: «Behin eta berriro esan du kohabitazioa jasangaitza dela; beraz, ezkerrek irabaztean kargua beharko luke utzi».

ESKUIN MUTURRA

Le Pen epaile

Frantziako lehendakartzarako hauteskunde bigarren itzulian ezuste handiz izatea lortu zuen Jean-Marie Le Pen Fronte Nazionala eskuin muturreko alderdiaren buruzagiak, bihar egingo den bozkal-dian beste «ustekabe bat» gerta daitekeela aditzerat eman du. «Presidentzialetan boto kopuru handiena eskuratu nuen 250 hautes-barruti baino gehiagotan; beraz, bihar arratsean, lehian egon gaitezke 350 hautes-barrutitan» aditze-